

MANDATUM

ET

INSTITUTIO PASTORALIS

ILLUSTRISSIMI ET REVERENDISSIMI

ARCHIEPISCOPI PARISIENSIS.

Quâ damnatur Liber , cui titulus , *Exposition de la Foy , touchant la grace & la predestination*, editus Hanonniæ-Montibus apud Gaspardum Migcot.

BIBLIOTHECA NAZ.
ROMA
VITTORIO EMANUELE



LUTETIÆ,

Apud LUDOVICUM JOSSE, Typographum
Illustrissimi D. D. Archiepiscopi,
Viâ Jacobæâ.

Anno reparatæ salutis 1696.

CUM PRIVILEGIO REGIS.

INTRODUCTION

1

THE HISTORY OF THE

REPUBLIC OF THE





MANDATUM

ET

INSTITUTIO PASTORALIS

Illustriissimi & Reverendissimi Parisiensis
Archiepiscopi,

*Quâ damnatur Liber, cui titulus Exposition de
la Foy, &c.*



UDOVICUS ANTONIUS miseratione divi-
nâ, & gratiâ sanctæ Sedis Apostolicæ Ar-
chiepiscopus Parisiensis, Dux sancti Clo-
doaldi, Par Franciæ : Archipresbyteris
sanctæ Mariæ Magdalenæ, & sancti Se-
verini, ac Decanis Ruralibus nostræ Diocesis sa-
lutem & benedictionem.

Positum est in eo præcipuè munus Episcoporum
ut depositum fidei custodiant ; tenentur enixè ob-
sistere novitatibus omnibus quibus vel tantillum
ejus integritas possit attentari ; nec pati usquam ut
in eâ quid, sive addendo, sive detrahendo vel le-
viter immutetur, juxta sapientissimum Vincentii Li-
rinensis effatum. Itaque ubi primùm annuente Deo
nobis commissa est Cleri populique tanti provincia,
id animum induximus, ut quantâ maximâ possu-
mus, ac debemus diligentiam servandæ doctrinæ sa-
næ invigilaremus. Scimus spiritum erroris extollere
se novâ usque doctrinâ adversus scientiam Dei, &
quamvis consilia videat sua penitus everti potentis-
simo Spiritu veritatis, nunquàm ab incæpto desistere.

*Commonis,
c. 32.*

*2. Corinth.
10, 5.*

A ij

4
Sperabamus tamen fore ut turbæ illæ quæ tam pravi spiritûs artibus per maximam hujusce partem sæculi in Ecclesiâ Gallicanâ conflatæ viguerunt , & quarum non sine mœrore potest refricari memoria, conquiescerent tandem omnino compressæ censuris summorum Pontificum , quas prompto animo exceperant , fuerantque executi. Præsules omnes , quasque firmarat autoritas pietasque Regis, illius qui ardentissimo suo in catholicam fidem studio id consecutus est , ut primogenitus Ecclesiæ filius, non inani titulo, nuncupetur. Cum tam solemniter finita causa esset , erat sperandi locus errorem quoque , ut simili in materiâ loquebatur olim sanctus Augustinus , finem habiturum. Verum summâ cum ægritudine cernimus vivere nobiscum inquietos homines , pacis inimicos , spargique in vulgus libellos quorum ope turbari Ecclesiæ tranquillitas , ac longissimæ illæ molestissimæque disputationes renovari possint , in quibus comprimendis tantoperè laboravit. Ejusmodi est Liber , cui titulus *Exposition de la Foy touchant la grace & la predestination.*

Neminem fugit quos tumultus concitarint famosæ illæ quinque Propositiones extractæ è Cornelii Jansenii Iprensis Episcopi Libro , cui titulus , *Augustinus.* Vix effluerunt anni decem ex quo Liber iste fuerat in publicum evulgatus , cum octoginta quinque Gallicarum Episcopi deprehensis in illo libro propositionibus jam in Concilio Tridentino damnatis idcirco quod arctiores humanæ libertati limites ascriberent, nec divinam bonitatem satis extendi paterentur , ad Sedis Apostolicæ confugerunt autoritatem.

Innocentius .X. tum summus Pontifex promulgavit Constitutionem ultimo die Maii anno 1653. latam quâ istius Libri quinque propositiones , ut par erat , proscriptæ sunt. Primam illam Constitutionem ad majorem elucidationem interpretatus est & confirmavit Alexander VII. Constitutionibus duabus , quarum altera die 16. Octobris anno 1656. data

5

fuit, altera 15. Februarii an. 1665. atque hæc postrema formulam, cujus subscriptio imperabatur, continebat, ejusque sensus idem, idemque spiritus quem formula in Comitiiis generalibus Cleri Gallicani ad annum 1656. confecta exhibebat.

Constitutiones illas Apostolicas acceperunt Præfules, iisque singulari cum reverentiâ & obsequio acquieverunt, quod sanè judicium omnis Ecclesia Catholica consensu suo subsecuta est. Quid ad evitendam funditus doctrinam tam perniciosam fieri potuit efficacius? Huc accedit quod ipse Jansenius author ejusmodi doctrinæ cum scripta sua judicio ac censuræ Sedis Apostolicæ per testamentum, & in ipso mortis aditu submisisset, egregium profectò discipulis exemplum dederat quod imitarentur.

Nihilominus (solet enim plerumque quamvis prostrata resurgere acrius superbia) magno cum sensu doloris videmus renasci hæresim in Libro nuper edito, eoque renasci damnosius quod liber iste scriptus vernaculè non secus legi possit à simplicibus indoctisque hominibus, quàm ab eruditis.

Sic in re tam gravi, ut officio nostro faceremus satis, diligentèr examinari curavimus opus illud, nosque ipsi diù istud idem expendimus, unde difficile non fuit in eo Janseiani dogmatis venenum omne deprehendere.

Prima Propositio quæ veluti fons ac fundamentum est cæterarum, hoc est illa propositio quâ justis labentibus eripitur gratia sine quâ nihil possunt, illuc renovatur, & tanquàm fidei dogma asseritur. Nihil juverit hîc Authorem istum ignotum in eo coarguere quòd Propositiones cæteras anathemate percussas passim per Librum suum disperferit, ac divi Augustini nomine, nonnullorumque Doctorum abusus turpiter fuerit.

Nullum malo huic usque resurgere tentanti potentius afferri remedium potest, quàm quo primâ vice sublatum est, Constitutiones intelligo Innocen-

tii X. & Alexandri VII. quarum plana dilucidatque est interpretatio. Sumantur Constitutiones, Propositionesque damnatæ eo sensu qui statim subit animum, quemque ipsa exhibet lectio, IN SENSU OBVIO. Hanc Belgii Episcopis & Theologicæ apud Lovanium Facultati regulam suis sexto die Februarii anno 1694. diplomatibus præscribit sanctissimus Pontifex Innocentius XII. quem diù sospitem servet Deus Optimus ad Christiani orbis, cujus verè communis pater est, utilitatem.

Nullam sanè viam possumus insistere tutiorem. Igitur Innocentii X. & Alexandri VII. Constitutionibus adhærentes, omnibus maturè perpensis, INVOCATO SANCTISSIMO DEI NOMINE damnamus Librum cui titulus, *Exposition de la Foy touchant la grace & la predestination*, Typis editum Hannoniæ Montibus, apud Gaspardum Migeot, ut continentem propositiones respectivè falsas, temerarias, scandalosas, impias, blasphematorias, ipsi Deo contumeliosas, de ipsius bonitate derogantes, anathemate percussas atque hæreticas, quo denique renovatur doctrina quinque Propositionum Jansenii, idque temeritate eò magis intolerandâ, quòd istius Author libelli tanquam fidei dogma astruat id quod non modo non est de fide, sed quod ipsa fides exhorret, universaque detestatur Ecclesia.

Cæterùm reliquas propositiones in isto Libro inclusas nolumus approbari, ejus lectionem propositâ excommunicationis pœnâ aliisque ex jure pœnis interdiciamus, sub iisdem quoque pœnis præcipimus ut ad nos, aut ad Vicarios nostros generales exemplaria deferantur; nihil eorum denique quæ ad pastorale munus pertinent, omitemus, quo contenta & exsuscitata rursus in isto Libro doctrina extingatur penitus & aboleatur.

Matt. 13. 19.

Verùm, ne colligentes zizania eradicemus simul cum eis & triticum, postquam illorum deteximus errorem, qui gratiæ abusi doctrinâ perniciosissimas

ex illius efficaciam consequentias eduxerunt; nostri quoque officii est tam necessariam, tam gravem materiam eos docere quos Spiritus sanctus fidei nostrae commisit.

Id quidem ita præstabimus ut relictis intricatioribus spinosisque quæstionibus, ex Scripturâ, Conciliis, & sanctis Patribus depromamus quæ pietatem alere possint & mentem illustrare, non verò curiositatem ac tricas fovere disputationum.

Nemo Christianus omnino est, qui non debeat agnoscere nihil se quidquam sine Christi gratiâ posse ad salutem consequendam. Cogitationes bonæ, sanctæ actiones, *omne datum optimum & omne donum perfectum desursum est; descendens à patre luminum.... Ipse Deus operatur in nobis velle & persicere* juxta ipsam D. Pauli doctrinam. Jacob. 1. 17.
Philip. 2. 13;

Demittamus ergo nos ipsi humiles ac nostræ conscientie nimium infirmitatis & impotentiae, sed extollamur & illico nos, intuentes in omnipotentem Christi bonitatem. Quantumvis per nos ipsi debiles simus, & quidquid perfectionis reposcat à nobis Deus, *impossibilia non jubet, sed jubendo monet & facere quod possumus & petere quod non possumus, & adjuvat ut possimus.* Concil. Trident. sess. 6.
chap. 11. Si quis igitur indiget sapientiâ, non illam se sibi parare posse confidat, ut superbi illi quondam Philosophi, sed quemadmodum humiles Ecclesiæ filii, postulet à Deo.

Pia illa prudensque mater Ecclesia divino semper afflata Spiritu, suis precibus ad exemplar orationis Dominicæ compositis, docet nos gratiæ necessitatem, & quâ potissimum ratione eam assequamur. Ea fuit semper vel primis sæculis in hac materiâ constans perpetuaque SS. Patrum regula, *ut legem credendi lex statuat supplicandi.* Ut quisque planè cognoscat quod credit, accuratè observet quod petit.

Postulamus à Deo ad sancta altaria ut non modò Infideles possint credere, peccatores convertere se, & boni in justitiâ perseverare, sed etiam ut Infideles

à suis erroribus reipsa revertantur ; ut peccatoribus remedia applicentur pœnitentiæ , & gratiam acceptam ad extremum vitæ finem boni conservent. Non igitur posse tantum sed & perficere postulatur à Deo ; atque ut non frustra factum esse appareat , ubi primum piæ preces exauditæ sunt , statim gratias tam singularis memores beneficii Deo rependimus.

Quamobrem cœlestis ille Magister , cum ab illo requirunt Apostoli ipsos ut orare doceat , universam in Apostolis Ecclesiam erudiens ad precandum, jubet petere nos à Deo , uti nomen ejus in nobis reipsa & sanctitate vitæ nostræ sanctificetur , ut regnum ejus cui omnia obtemperant, citò adveniat ; & ejus voluntas in nobis fiat sicut in cœlo , ut panis noster quotidianus , hoc est necessarius cum animæ , tum corpori cibis ipsius nobis liberalitate concedatur.

Ut quibus egemus ab illo bona postulamus , sic & petimus , ut quæ mala metuere debemus avertat. Obtestamur ne nos inducat in tentationem , sed liberet à malo, id est tueatur æternum à peccato quod est unicum verè malum, imò fons & origo malorum omnium, quæ sanè à peccato liberatio inducit finalem secum perseverantiam , ut videre est ex illâ oratione ad sanctam communionem præviâ quam Ecclesia ab omnibus Sacerdotibus in tremendo Missæ sacrificio recitari jubet , quamque Fidelibus omnibus proponit. . . . *Domine Jesu Christe ... Fac me tuis semper inherere mandatis , & à te nunquam separari permittas.*

Hæc eadem petendo Orientalis cum Occidentali Ecclesiâ feliciter conspirat. Jam ab annis mille & amplius gratiæ defensores è liturgiâ quæ Divo Basilio tribuitur hanc precationem usurparunt. *Malos , quasumus , bonos facito , bonos in bonitate conserva ; omnia enim potes , & non est qui contradicat tibi , cum enim volueris salvas , & nullus resistit voluntati tuæ.*

Ipsa eadem divinæ voluntatis omnipotentia in nobis

9
bis operantis hanc precum in Sacrificio formulam elicit & expressit, *ad te nostras etiam rebelles compelle propitius voluntates* : non quòd inviti justificemur ac salvemur, verùm quia Deus Optimus ex rebellibus subjectos obtemperantesque reddit ac præstat, ut ament quod prius oderant. Dum de malo autem, sicuti S. Bernardus loquitur, mutat voluntatem in bonum, non cogit libertatem, sed corrigit ac perficit. Dominus ipse dirigit gressus hominis, sed efficiendo ut in semitas ejus libere ingrediatur, *Apud Dominum gressus hominis dirigentur, & viam ejus volet.* Trahit animam post se Deus, sed præstando ut tam dulces sequatur illecebras cum plenâ libertate eligendi quod libuerit. Ps. 36. 23.

Nemo igitur existimet gratiæ potentiâ destrui libertatem hominis, aut libertate hominis gratiæ potentiam debilitari. Quis credat arduum ac difficile esse Deo, qui liberum creavit hominem, efficere ut homo libere agat, & eum sic afficere ut eligat ipse quod placuerit?

Scriptura, Traditio, ipsa ratio nos docent, quidquid ad perficiendum bonum in nobis virium est, illud omne à Deo proficisci. Contrà verò sæpius experti sentimus ipsi nimis cheu posse nos à bono faciendo, si ita volumus, declinare. Accidit quoque sæpe, ut gratiæ quam dat Deus reipsâ resistamus, eamque *in vacuum recipiamus.* Verùm quantamcumque vim experiamur in nobis ad denegandum vel efficaciori gratiæ consensum, nos fides docet Deum esse omnipotentem, atque ita posse de nostrâ voluntate per ipsammet voluntatem nostram efficere quidquid voluerit. Quando igitur omnipotenti misericordiæ Christi placet vocare nos eâ vocatione quam D. Paulus appellat *secundum propositum*, id est secundum decretum ejus, ipsi etiam mortui vocem ejus audiunt ac sequuntur, vincula illa quibus divina nos allicit gratia, videntur non dulcia minus & amabilia, quam graves & pudendæ evadunt catenæ peccati; 2. Cor. 6. 14.

Rom. 8. 28.

S. August. de spiritu & litt. c. 2. n. 51. *atque inspiratâ gratia suavitatē per Spiritum sanctum Deus facit plus delectare quod præcipit, quam delectat quod impedit.*

S. Bern. lib. de Gratiâ & Lib. arbit. c. 14. Hinc intelligere quodammodo possumus quâ ratione gratia cum libero arbitrio concordet, & vicissim cum gratiâ cooperetur liberum arbitrium. Gratia, inquit S. Bernardus voluntatem excitat cogitationes bonas inspirando, sanat mutando affectus, corroborat ad bonas actiones impellendo. Consentit & cooperatur cum gratiâ voluntas sequens ipsius impulsus; sic quod per gratiam solam in voluntate est inchoatum accrescit sensim ac perficitur simul per gratiam, & per voluntatem, ita tamen ut cum totum in voluntate & per voluntatem fiat, totum nihilominus à gratiâ proficiatur. *Totum quidem hoc, & totum illa, sed ut totum in illo, sic totum ex illâ.*

Rom. 8. 26. Non minori efficacîâ nobis Deus bonas inspirat preces, quàm bona in nobis operatur opera. Quod ait D. Paulus *Spiritum sanctum postulare pro nobis*, hoc ita Sancti Patres interpretantur ut det nobis Spiritus orare *impartito orationis affectu & effectu*. Quin & Ecclesia hanc apprimè edocta veritatem orat uti Deus sibi annuat, *que placita illi sint postulare.*

Epist. S. August. 194. ad Sixtum.

Deus igitur, Deus ipse facit non minùs potenter ut precemur, quam ut agamus. Habet undè & quibus modis certissimè nobis precû perseverantiâ largiatur, ut donet deinde nobis ab illo vitæ bonæ consequi perseverantiam. Ante tempora omnia præscivit, decrevit & præparavit beneficia hæc gratiæ suæ. Novit etiam illos quibus ea æternâ misericordiâ & amore gratuito præparat. Ponatur hoc, stetque tanquam fundamentum nullam in Deo esse injustitiam, nec quemquam scrutari debere aut investigare altiùs consilia ejuscunctis impervia mortalibus. Quodcunque in nobis bonum est, à Deo est, quodcunque malum à nobis omnino ipsis: *cùm Deus coronat merita electorum suorum, nihil aliud coronat quàm munera sua, nec reprobos ple-*

est, nisi propter eorum peccata causam unicā infelicitatis ipsorum. Hinc discimus, dum simul cum gratiā concurrimus humili fidelique cooperatione, oportere nos juxta Sanctorum Cypriani & Augustini mentem totum nostræ salutis opus ad Deum referre, ut totum detur Deo, ejusque nosmetipsos bonitati cum plenā integrāque fiduciā permittere, illud ejusdem Augustini pro certo tenentes, *Tutiores igitur vivimus, si totum Deo damus, non autem nos illi ex parte, & nobis ex parte committimus.*

Verum illā fiduciā, integrāque nostri divinæ bonitati permissione non eò nos adducamur, ut credamus nihil superesse nobis ad salutē faciendum; cum D. Petrus nobis imperet *satzgere ut per bona opera certam nostram vocationem & electionem faciamus*; cum D. Paulus velit nos currere ut propositum præmium referamus, *sic currite ut comprehendatis*. cum denique D. Augustinus affirmet *perseverantiam sperare nos debere & quotidianis orationibus poscere, atque hoc faciendo considerare non nos esse à predestinatione populi ejus alienos, quia etiam hoc ut faciamus ipse largitur*: ita ut spes & oratio nostra sit pignus quoddam divinæ erga nos misericordiæ & argumentum à Deo nos non deserī. Atque hoc nostra debet esse fiducia firmior, quod ex generalibus Conciliis certum sit semel gratiā Dei justificatos nunquam deserī nisi illi Deum prius deserant; ipsa sunt verba Tridentini Concilii; *Deus suā gratiā semel justificatos non deserit, nisi ab eis prius deseratur.* Idem multis ante sæculis asseruerat Concilium Arausicum secundum his verbis.... *Hoc etiam secundum fidem Catholicam credimus, quod acceptā per Baptismum gratiā, omnes baptisati, Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere.*

Noverint hæc fideles de maximo illo prædestinationis mysterio, in quod intuens tantopere stupebat, seque tam subinisse deprimebat gen-

2. Pet. 1. 8.

1. Cor. 9. 10.

De dono Persev. C. 22. n. 62.

Sess. 6. c. 11.

Concil. Arausicum 2. c. 25.

Auctoritates Sedis Apostolicæ post 1 pi. Stoian Catesti

ni *Papa ad*
Epist. ad Gal-
lia. Concil. 10.
2.

Nunquam
hunc (Augu-
stinum) *sin-*
istra suspicio-
nis, saltem ru-
mor aspersit
Epist. Cælest.
ad Gal. Epist.

tium Apostolus. Quod superest , referri potest ad
illas profundiores difficilioreſque partes incurrentium
questionum , quas sicut non audemus contemnere , sic
non necesse habemus adstruere.

Abſit igitur ut quisquam arbitretur Sanctos Pa-
tres qui hæc nobis tradidere vera & sancta , inpri-
mis Divum Augustinum ulteriùs quàm par erat ,
eſſe progreſſos , cùm immò Summi Pontifices à
Sanctis deceſſoribus ſuis doctrinam Sancti Augu-
ſtini fuiſſe ſemper approbatam declarent ac nun-
quam hunc *ſiniſtra ſuſpicionis ſaltem rumore fuiſſe aſ-*
perſum. Et tantum abeſt ut modum Augustinus ex-
ceſſerit in poſtremis operibus ſuis , quibus hoſtes
gratiæ maximè viſi ſunt commoveri , ut contrà Sum-
mi cujuſdam Pontificis eruditione conſpicui mens
fuerit in his maxime libris cognosci , de libero arbitrio
& gratiâ Dei , quid Romana , hoc eſt , addit ipſe ,
Catholica ſequatur & aſſeveret Eccleſia.

Hormiſdas
Ep. ad Poſſeſſ.

Breve ad Fa-
cult. Theolog.
Lovaniens. 6.
Feb. 1694.

Quæ verba Hormiſdæ ſanctiſſimi Pontificis à vete-
ri exultantium propter fidem Confeſſorum Concilio
in eos, objecta qui, ſpretis Auguſtini ſcriptis, inciderant
in errorem , quàm opportune uſurpanda ac laudanda
ſunt hoc præiertim tempore quo ſanctiſſimus Papa,
noſter ad eundem quoque Augustinum nos remit-
tit à quo diſcamus quid ſecundùm Prædeceſſorum
ſuorum ſtatuta , Romana ſequitur ac ſervat Eccle-
ſia.

Joan. 15. 5.
Phil. 4. 13.

Hæc ſana doctrina eſt de prædeſtinatione & gra-
tiâ Chriſti : cujuſ doctrinæ ea deber eſſe utilitas
præcipua , ut Fidelibus humilitatem ac vigilantiam
Chriſtianam inſpiret , ut iidem , & ſuæ conſcii ſint
infirmiſſiſſi , & majori in dies cum attentione , quibus
tenentur , officia exequantur : cùm ope illius doctri-
næ cognoscent ſe nihil poſſe ſine Chriſti auxilio
facere , tum ſentient omnia ſe poſſe in eo qui ipſos con-
fortat. Eorum timor fiduciâ ſuſtentatur , atque hæ
virtutes animam præparant ad amorem Dei ſeu cha-
ritatem quæ diſſunditur in cordibus noſtris : unâ cum

Rom. 5. 5.

gratiâ , quandoquidem ipsa gratia præcipuè consistit in delectabili illius amoris inspiratione. Ad amorem illum viam parat timor suppliciorum æternorum : & ut, amoris initium aperit corda hominum ad conversionem , sic ejusdem amoris perfectio in conversione confirmat ; per amorem Dei insinuant sese virtutes omnes in animos , & in illis perficiuntur. Hinc falsa de moribus doctrina continuò evanescit , quoniam amor ille mentem non minùs ad cognoscenda quæ ex officio nostro sunt illustrat , quàm ad eadem perficienda pectus inflamat. Hoc amore ducti homines jam non *vanas excusant excusationes in peccatis suis* : quarum quidem excusationum, à quibus inane subsidium quærit amor sui , nulla profectò perniciosior quàm quâ conantur homines immunes se præstare ab amandi Dei lege, hoc est, à lege omnium legum ut æquissimâ & jucundissimâ prorsus, ita primâ profectò & maximè præcipuâ.

Concionatores hortamur ac Confessarios , illisque præcipimus autoritate Spiritus sancti qui nos posuit regere Ecclesiam Dei , ut sanctæ illi , quam ipsis proponimus, doctrinæ fideliter adhærescant ; quoniam nulla pars ejus è Scripturâ non desumpta est , ipsisque Sanctorum expressa verbis , quam insuper sancta Sedes & universa Ecclesia recipit & consecrat. In Domino etiam confidimus , si fortè qui alio ducti Spiritu scripserint , eos non expectaturos , donec in illorum errores , nisi quam primùm ejurarint , ut æquum est , animadvertamus.

Ut sanctissimi Papæ nostri ad cujus exemplum cupimus informari sapientissimam hac etiam in re sequamur rationem , reliquum est ut præcipiamus, quemadmodum ipse summus Pontifex in brevibus jam laudatis præcipit , ut ne quis vagâ illâ & odiosâ Jansenismi accusatione aspergat quemquam , nisi ille aur vivâ voce aut scripto aliquam è damnatis Propositionibus docuisse convincatur. Obiste-

mus quâ debemus severitate iis omnibus qui ausi fuerint tam pravam renovare doctrinam & loqui aut scribere seu directè seu indirectè adversus summorum Pontificum Constitutiones; sed neque illud etiam patiemur ut sine autoritate, sine charitate homines de fratrum suorum fide judicare audeant, illorumque famam vel levissimis ex suspicionibus labefactent.

Novimus heu nimium quàm damnosum Ecclesiæ sit sinistros excipere rumores adversus eos quibus ad regimen animarum Deus necessariam pietatem scientiamque est largitus. Omni conatu nitemur temeritatem comprimere turbulentorum hominum qui vel pravâ doctrinâ fidem Ecclesiæ lædere, vel ejus tranquillitatem ministrorum dissidio turbare molientur, *Ut desinat Ecclesiarum quietem inquietudo turbare.* Hoc Galliarum olim Episcopis Papa sanctissimus præcipiebat, hoc qui nunc Ecclesiam tanta cum gratiâ & benedictione moderatur Summus Pontifex Belgii præcipit Ecclesiis.

*Celestini Papæ
Epistola ad
Galliarum
Episcopos.*

Jam verò mandamus atque indicimus Ecclesiasticæ nostræ Curiae Officiariis uti curent hoc-ec decretum nostrum executioni mandari, & Templo- rum omnium tum in Urbe, tum in Suburbiiis, foribus, atque ubicunque fuerit opus affigi. DATUM Parisiis in nostro Archiepiscopali Palatio 20. die Augusti anno 1696. Signatum, LUD. ANT. Archiep. Parisiensis.

*De mandato Illustrissimi & Reverendissimi
D. D. Archiepiscopi Parisiensis.*

THE UNIVERSITY OF CHICAGO PRESS

